




## მიტროპოლიტი ილარიონი სრულიად რუსეთის ახალგაზრდა თეოლოგთა ფორუმზე სიტყვით გამოვიდა



2021 წლის 25 ნოემბერს ახალგაზრდა თეოლოგთა პირველი სრულიად რუსეთის ფორუმი გაიმართა, რომელიც თეოლოგიის სამეცნიერო-საგანმანათლებლო ასოციაციის (HOTA) მიერ იყო ორგანიზებული. მარდამჭერი ორგანიზაციები იყვნენ რუსეთის ფედერაციის პრეზიდენტთან არსებულ რელიგიურ გაერთიანებებთან ურთიერთობის თეოლოგიური, რელიგიური და სულიერ-ზნეობრივი განათლების განვითარების საბჭოს კომისია და რუსეთის მართლმადიდებელი ეკლესიის სასწავლო კომიტეტი V სრულიად რუსეთის (საერთაშორისო მონაწილეობით) სამეცნიერო კონფერენციის – „თეოლოგია სამეცნიერო-საგანმანათლებლო სივრცეში“ – ფარგლებში.

ფორუმი მოსკოვის საპატრიარქოს საგარეო საეკლესიო კავშირების განყოფილების თავმჯდომარემ, ზოგადსაეკლესიო ასპირანტურისა და დოქტორანტურის რექტორმა, თეოლოგიის სამეცნიერო და საგანმანათლებლო ასოციაციის პრეზიდენტმა, ვოლოკოლამსკის მიტროპოლიტმა ილარიონმა გახსნა. მან, კერძოდ, აღნიშნა, რომ რუსეთის საგანმანათლებლო სივრცეში თეოლოგია არსებობს ორი ფორმით: დისციპლინების კომპლექსის სახით, რომლებიც კონფესიურ სასულიერო საგანმანათლებლო დაწესებულებებში ისწავლება, და ჰუმანიტარული მეცნიერების სახით, რომელიც საერო

უნივერსიტეტებში ისწავლება.

„თეოლოგია, – ხაზგასმით აღნიშნა მიტროპოლიტმა ილარიონმა, – არის ერთ-ერთი ჰუმანიტარული მეცნიერება, რომელსაც კავშირი აქვს ადამიანთა ფართო სპექტრთან, მრავალთან, ვინც უმაღლეს განათლებას იღებს. და ამ თვალსაზრისით საერო საგანმანათლებლო სივრცეში თეოლოგია მოთხოვნადი და გამართლებულია. თეოლოგია ემსახურება განათლების მიმღებთა ჰორიზონტის გაფართოებას, რომლებიც ითავისებენ ადამიანური ცოდნის ამ სფეროს.

ბოლო წლებში ორი სფეროს დაახლოება ხდება: თეოლოგია სასულიერო საგანმანათლებლო დაწესებულებებში და თეოლოგია, რომელიც საერო საგანმანათლებლო სივრცეში არსებობს. ჯერ ერთი, უკვე შეიქმნა და ფუნქციონირებს თეოლოგიის ზოგადი ფედერალური საგანმანათლებლო სტანდარტი, ამ დროისთვის სამი პასპორტი არსებობს: მართლმადიდებლური, ისლამური და იუდეური თეოლოგია. თეოლოგია არ შეიძლება მონყვეტილი იქნეს კონკრეტულ რელიგიურ ტრადიციებს, და ამამია განსხვავება თეოლოგსა და რელიგიურ მეცნიერს შორის. მეორეც, დაახლოება ხდება თანდათანობით ერთნაირი სახელმძღვანელოებისა და დამხმარე სახელმძღვანელოების გამოყენების გზით. ახლა იქმნება დამხმარე სახელმძღვანელოები, რომლებშიც გათვალისწინებულია ჩვენი ეკლესიის მთელი დაგროვილ გამოცდილებას და სრულად პასუხობენ განათლების თანამედროვე საგანმანათლებლო სტანდარტებს. 30-მდე სახელმძღვანელო უკვე გამოიცა და ამდენივე გამოსაცემია. მომზადებულია „რუსეთის მართლმადიდებელი ეკლესიის ისტორიის“ სამი ტომი, ერთი უკვე გამოცემის პროცესშია, მეორე რეცენზირებას გადის, მესამე დანერილია და მალე გადაიგზავნება სარეცენზიოდ. უახლოეს წლებში ჩვენ ვეცდებით დავასრულოთ ბაკალავრიის დამხმარე სახელმძღვანელოების ახალი თანამედროვე სრული კორპუსის შექმნაზე მუშაობა, რომლებიც გამოყენებული იქნება როგორც სასულიერო სასწავლებლებში, ისე საერო საგანმანათლებლო დაწესებულებებში.

ჩვენი ერთობლივი ძალისხმევით კოორდინაციის მიზნით ჩვენ თეოლოგიის სამეცნიერო-საგანმანათლებლო ასოციაცია (თსსა, HOTA) შევქმენით, რომელიც ახლა 70 უმაღლეს სასწავლებელს აერთიანებს, და უახლოეს შეხვედრაზე, რომელიც დაგეგმილია დეკემბრის პირველ დღეებში, ჩვენ კიდევ შვიდი უნივერსიტეტიდან განვიხილავთ განაცხადებს.

ამ დროისთვის თსსა-ის შემადგენლობაში შედიან დამფუძნებლები – წმინდანთა კირილესა და მეთოდეს სახელობის ზოგადსაეკლესიო ასპირანტურა და დოქტორანტურა, წმინდა ტიხონის მართლმადიდებლური ჰუმანიტარული უნივერსიტეტი, მოსკოვისა და სანკტ-პეტერბურგის სახელმწიფო უნივერსიტეტები, სახალხო მეურნეობისა და სახელმწიფო სამსახურის რუსული აკადემია, ეროვნული კვლევითი უნივერსიტეტი „ეკონომიკის უმაღლესი სკოლა“, ეროვნული კვლევითი ბირთვული უნივერსიტეტი, სადაც თეოლოგიის კათედრა მოქმედებს. თსსა-ის შემადგენლობაში შედიან წამყვანი უნივერსიტეტები – როგორც ფედერალური და დიდი რეგიონალური უნივერსიტეტები, ისე, სასულიერო აკადემიები და სემინარიები, ასევე უნივერსიტეტები, რომლებიც სხვა რელიგიურ ტრადიციებს ეკუთვნის, კერძოდ, ისლამურს და ებრაულს. ამრიგად, ჩვენ ვავითარებთ თეოლოგიას სასულიერო საგანმანათლებლო დაწესებულებებში და საერო საგანმანათლებლო სივრცეში, როგორც რელიგიათაშორის პროექტს. ჩვენი სამშობლო მრავალკონფესიურ ქვეყანას წარმოადგენს და თითოეული ტრადიციისთვის იქმნება ან შეიქმნება სივრცე იმისათვის, რათა ამ ტრადიციის წარმომადგენლებმა შეძლონ თეოლოგია სრული მოცულობით შეისწავლონ. დიდად ვიმედოვნებ, რომ თეოლოგები განათლების მიღებას შესაბამის მაღალ სამეცნიერო დონეზე შეძლებენ. ჩვენი მხრივ, ამისთვის ყველაფერს ვაკეთებთ.

მათ, ვინც ფორუმზე შეიკრიბა, მინდა ვუსურვო, რომ თეოლოგიის შესწავლამ თქვენი ცხოვრება გახადოს საინტერესო, მდიდარი, სავსე, რადგან თეოლოგიის შესწავლა – არ არის მხოლოდ რაიმე აბსტრაქტული სამეცნიერო დისციპლინის შესწავლა, არამედ ის, რამაც შეიძლება გავლენა იქონიოს თქვენი ცხოვრების ყველა სფეროზე, და ამ მიმართებით თეოლოგია გამორჩეულად დგას სხვა მეცნიერებებს შორის, რადგან მას განსაკუთრებული კავშირი აქვს ადამიანის მსოფლმხედველობასთან და მის ცხოვრების წესთან“.

ფორუმის მონაწილეებს მისასალმებელი სიტყვით მიმართა რუსეთის ფედერაციის პრეზიდენტის საშინაო პოლიტიკის სამმართველოს რეფერანტმა, რუსეთის ფედერაციის პრეზიდენტთან არსებულ რელიგიურ გაერთიანებებთან ურთიერთობის საბჭოს პასუხისმგებელმა მდივანმა ა.ვ. ტრეტიაკოვმა, რომელმაც მის ხელმძღვანელობის ქვეშ მოქმედი რუსეთის ფედერაციის პრეზიდენტთან არსებულ რელიგიურ გაერთიანებებთან ურთიერთობის საბჭოს რელიგიური განათლების კომისიის მუშაობის შესახებ ისაუბრა და რუსეთის სახელმწიფოს მხრიდან თეოლოგიის განვითარების მხარდაჭერა დაადასტურა

შემდეგ გააუღერდა სინოდალური განყოფილების წინაშე არსებული ზოგადსაგანმანათლებლო სკოლაში სულიერი და ზნეობრივი აღზრდის, რელიგიური განათლებისა და კატეხეზაციის კომისიის წევრის, სარანსკისა და მორდოვის მიტროპოლიტ ზინობის მისალმება, რომელმაც, კერძოდ, თქვა: „თეოლოგიის სამეცნიერო-საგანმანათლებლო ასოციაციის (თსსა) თეოლოგიური პლატფორმა მონოდებულისა, გამოასწოროს დამახინჯებები, გამოიყენოს ადამიანის ცხოვრების გააზრების დადებითი გამოცდილება და საერთო ადამიანურ განვითარებაში იმ იმპულსის შეტანა, რომელიც ღვთის შეწევნის ბევრ კარგ ნაყოფს მოგვცემს ჩვენს კეთილ ნამოწყებებში“.

ახალგაზრდობის საკითხებში სინოდალური განყოფილების თავმჯდომარემ, ისტრას ეპისკოპოსმა სერაფიმემ, კონფერენციის მონაწილეებისადმი თავის მიმართვაში აღნიშნა: „ახალგაზრდა ღვთისმეტყველთა ფორუმი ადასტურებს, თუ რამდენად მნიშვნელოვანია თეოლოგიის როლი თანამედროვე სამყაროში და კერძოდ ახალგაზრდებისთვის. თეოლოგიის პრაქტიკული მიმართულების მნიშვნელოვან ასპექტს წარმოადგენს საზოგადოების კითხვებსა და გამოწვევებზე მისი თეოლოგიური პასუხები. თეოლოგიის პოზიცია აუცილებლად უნდა გააუღდეს ყველაზე ფართო აუდიტორიაში, მათ შორის ახალგაზრდებისთვის, რადგან მხოლოდ თეოლოგია შეისწავლის ადამიანისა და ღმერთის, ადამიანისა და ადამიანის ღრმა ურთიერთქმედებებს, აღწერს რა საზოგადოების ცხოვრების სულიერ ასპექტებს“.

მონაწილეებს ასევე მიესალმნენ რუსეთის მართლმადიდებელი ეკლესიის საგანმანათლებლო კომიტეტის თავმჯდომარის მოადგილე დეკანოზი ვალენტინ ვასილკო, სახელმწიფო სამსახურისა და მართვის ინსტიტუტის დირექტორის მოვალეობის შემსრულებელი რ.ნ. კორჩაგინი.

პლენარული სხდომა დასრულდა ფილოსოფიის მეცნიერებათა დოქტორის, თეოლოგიის უმაღლესი საატესტაციო კომისიის საექსპერტო საბჭოს თავმჯდომარის, თსსა-ის სამეცნიერო საბჭოს თავმჯდომარის, წმინდა მოციქულთასწორთა კირილესა და მეთოდეს ზოგადსაეკლესიო ასპირანტურის და დოქტორანტურის სამეცნიერო მუშაობის პრორექტორის, პროფესორის დ.ვ. შმონინის ლექციით –

„თეოლოგია თანამედროვე განათლებისა და სტრუქტურული მეცნიერების სისტემაში: საკურსო სამუშაოდან დისერტაციამდე“.

ლონისძიება ტელეხიდის ფორმატში გაიმართა, რომელიც ათ ძირითად ველს აკავშირებს – რუსეთის უმაღლეს სასწავლებლებსა და სასულიერო სკოლებს. მათ რიცხვშია – წმინდათა კირილესა და მეთოდეს სახელობის ზოგადსაეკლესიო ასპირანტურა და დოქტორანტურა, სარატოვის ნ.გ. ჩერნიშევსკის სახელობის ეროვნული კვლევითი სახელმწიფო უნივერსიტეტი, ყუბანის სახელმწიფო უნივერსიტეტი, კურსკის სახელმწიფო უნივერსიტეტი, თ.მ. დოსტოევსკის სახელობის ომსკის სახელმწიფო უნივერსიტეტი, სარატოვის მართლმადიდებლური სასულიერო სემინარია, ეკატერინოდარის მართლმადიდებლური სასულიერო სემინარია და სხვ.

ფორუმის მუშაობაში მონაწილეობა მიიღო 300-ზე მეტმა ახალგაზრდა თეოლოგმა რუსეთის ჩვიდმეტი რეგიონიდან, ასევე მონაწილეებმა სირიიდან და აშშ-დან, მათ შორის 240 სტრუქტურული სწავლობს „თეოლოგიის“ მიმართულების მოსამზადებელ საგანმანათლებლო პროგრამებზე (ბაკალავრის, მაგისტრატურის და ასპირანტის). გარდა ამისა, მონაწილეობა მიიღო უმაღლესი სასულიერო პირების, სამთავრობო ორგანოების, რექტორების, პრორექტორების, დეკანების, საღვთისმეტყველო კათედრების გამგეების და სამეცნიერო და პედაგოგიური მუშაკების 60-ზე მეტმა წარმომადგენელმა.

ფორუმმა 25 უმაღლესი საგანმანათლებლო დაწესებულების მონაწილეები გააერთიანა, შვიდ სამეცნიერო განყოფილებაში 120 მოხსენება მოისმინეს.

დისკუსია სამეცნიერო სექციების შემდეგ მიმართულებებში მიმდინარეობდა: „დოგმატური ღვთისმეტყველება და პატრისტიკა“, „ფილოსოფიური თეოლოგია“, „ეკლესიის ისტორია“, „ბიბლიესტიკა“, „სამოძღვრო ღვთისმეტყველება, მისიოლოგია, სახელმწიფოსა და ეკლესიის სამართლებრივი ურთიერთობები“, „ლიტურგია და საეკლესიო ხელოვნება“, „თეოლოგია და განათლება“.

ფორუმის შედეგების მიხედვით, ცხრამეტმა ადამიანმა მიიღო გამარჯვებულის დიპლომი, მათგან ათი – სარატოვის ნ.გ. ჩერნიშევსკის სახელობის ეროვნული კვლევითი სახელმწიფო უნივერსიტეტსა და წმინდანთა კირილესა და მეთოდეს სახელობის ზოგადსაეკლესიო ასპირანტურასა და დოქტორანტურაში სწავლობს. დანარჩენი გამარჯვებულები წარმოადგენდნენ ყუბანის სახელმწიფო უნივერსიტეტს, კურსკის სახელმწიფო უნივერსიტეტს, თ.მ. დოსტოევსკის სახელობის ომსკის სახელმწიფო უნივერსიტეტს, ეკატერინოდარის მართლმადიდებლური სასულიერო სემინარიას, ტვერის სახელმწიფო უნივერსიტეტს, ი. ს. ტურგენევის სახელობის ორიოლის სახელმწიფო უნივერსიტეტს.

ფორუმის დიპლომანტები 2021 წლის 2 დეკემბერს V სრულიად რუსეთის (საერთაშორისო მონაწილეობით) ახალგაზრდული სამეცნიერო კონფერენციის – „თეოლოგია სამეცნიერო-საგანმანათლებლო სივრცეში: თეორია, ისტორია, რელიგიათაშორისი და კულტურათაშორისი დიალოგის პრაქტიკა გლობალური გამოწვევების ვითარებაში“ – მონაწილეები გახდებიან.

ახალგაზრდა ღვთისმეტყველთა პირველი სრულიად რუსეთის ფორუმის შედეგების მიხედვით სამეცნიერო შრომების კრებულის გამოცემა იგეგმება.

*სსკვ-ის კომუნიკაციის სამსახური*

---

წყარო: <https://mospat.ru/ge/news/88524/>